



TEMA : POLITEKNIK MERLIMAU MELAKA

Perkara : TVET

TAJUK ARTIKEL : LEBIH 90 PERATUS PESERTA TVET MODULAR INDUSTRI PERAK BERJAYA DAPAT KERJA

SUMBER : BERNAMA - 10 SEPTEMBER 2026

Lebih 90 Peratus Peserta TVET Modular Industri Perak Berjaya Dapat Kerja

🕒 10/09/2026 12:28 PM



Gambar Fail

IPOH, 10 Sept (Bernama) -- Program Pendidikan dan Latihan Teknikal dan Vokasional (TVET) Modular Industri yang dilaksanakan Perak melalui Pusat Aspirasi Anak Perak (PASAK) terbukti berkesan apabila 90.09 peratus atau 4,200 peserta ditempatkan bekerja selepas tamat latihan sejak 2022 hingga Jun 2026.

Pengerusi Jawatankuasa Pendidikan, Pengajian Tinggi, Belia dan Sukan negeri Datuk Khairudin Abu Hanipah berkata dalam tempoh tersebut, sebanyak 289 Program TVET Modular Industri dilaksanakan yang telah memberi manfaat kepada 4,662 orang peserta dalam kalangan rakyat Perak.

*Selain Program TVET Modular Industri, terdapat 11 lagi kluster program TVET di bawah PASAK yang berteraskan latihan praktikal jangka pendek. Inisiatif ini dilaksanakan bagi memperluas akses serta peluang peningkatan kemahiran kepada anak-anak Perak.



TEMA : POLITEKNIK MERLIMAU MELAKA

Perkara : TVET

TAJUK ARTIKEL : LEBIH 90 PERATUS PESERTA TVET MODULAR INDUSTRI PERAK BERJAYA DAPAT KERJA

SUMBER : BERNAMA - 10 SEPTEMBER 2026

"Berdasarkan rekod bagi tempoh 2022 hingga Jun 2026, sebanyak 430 program latihan TVET telah dilaksanakan dan memberi manfaat kepada 7,161 orang peserta dalam kalangan rakyat negeri Perak," katanya pada sesi soal jawab lisan Persidangan Dewan Undangan Negeri di sini hari ini.

Beliau menjawab pertanyaan Azizi Mohamed Ridzuwan (PN-Lubok Merbau) mengenai dasar kerajaan bagi memastikan para belia keluaran TVET terus berdaya saing dan mampu bertahan dalam bidang diceburi ketika suasana ekonomi sangat mencabar ini.

Khairudin berkata kerajaan negeri melalui PASAK terus mempergiat pelaksanaan pemerkasaan program TVET termasuk latihan peningkatan kemahiran dan latihan kemahiran semula di seluruh Perak.

Beliau berkata pendekatan itu dilaksanakan bagi memastikan belia, khususnya lepasan TVET, sentiasa memiliki kemahiran relevan, kekal berdaya saing dan mampu membina kerjaya yang mampan dalam bidang diceburi.

-- BERNAMA